

四庫全書

集部

欽定四庫全書

澹齋集卷四

宋 李流謙 撰

七言古詩

送才夫之成都

客有可人期不來昔人抱恨長悠哉  
可得宦遊同一處家有如願令人猜  
郊東郊西踏春色醉舞淋浪花挿額  
門前紫騮嘶東風却折垂楊供馬策  
如君豈久居塵泥好處人知天亦知  
我非夔才識宮羽此言欲驗須他時

長橋離愁濕烟雨去日更將歸日數從今把盞與題詩  
故應半是思君語

白雲先生魯叶殿丞交之父有隱節其居嶽考  
所賜旁為魏高士守一庵高士上皇所賓禮  
庵亦賜地也高士亡矣而白雲之後至食不  
給過之慨然為賦此篇

白雲先生去何從烟霞高人繼其蹤兩朝恩光照巖穴  
映牆竹栢清陰同高人已注丹臺籍白雲子孫食不給

人生有累豈妻孥生美金門羽衣客

林夫體中不佳而能不廢翰墨且蒙以文軸見  
教其天性所嗜如此敬嘆不已既勿藥作詩

賀之

瓠肥不必綠糠覈倒床鼾睡掀四壁飯山詩好自應瘦  
騎省賦成髮先白公子翩翩鍾鼎家宜有騷人歌錦瑟  
數從癯儒弄文字坐令二豎喜投隙藥裹關心始置之  
往往呻吟出圭壁由來物理論根種虎生則斑鷹則擊

浣腸濯胃固佳手愈風却瘡非此力東風吹園花正開  
新禽向人語磔磔疾來相就破除之萬事可拚春可惜

賀王制置敦學之除

太霄傑觀凌空起非霧非烟護珠藥萬靈操戟夾危棟  
中有丹書并綠字走雲飛雨澤地產合璧聯珠煥宸緯  
堯圖羲墳共彪炳禹訓湯銘角雄偉岡陵松柏老如鐵  
華榜丹青新若洗論思欲侍聖天子寓直正須真學士  
一時盛選孰睥睨百代耆儒屬宸倚惟有我公瑞河嶽

早與靈鼇爭巖窟絲綸飛藻頌兩禁弓鉞專方雄萬騎  
從容裘帶淨岷隴零落旗矛清笳雋疇庸王府侈三晝  
告喜郵音傳一紙升華祕宇階召拜正位台符慰瞻俟  
妄論斯文本神物輕發其藏觸天恚開物成務非翰墨  
責飾乾坤乃能事周書九誥削邪叛一品會昌夷僭詭  
願公亟從袞舄歸早就典謨垂萬世迂愚把筆自韶亂  
裂紙悲鳴蛭蚓比酸寒一尉不可說尺璧光陰分馬箠  
待公勲業映曩鼎勉葺巴蕪歌俊偉絲麻雖美收荆菅

尚冀風人採輿隸

文約用韻請別作此留之并東簽判李文

平生心知我與君餘子碌碌耳未聞相思輒命嵇呂駕  
醉飲仍開孟公門山城牢落情易動翻然便作思家夢  
笑言伏臘未一有歸辦黃蘗三百甕君才何止吞四溟  
新詩誦過牙生津猗那清廟復在眼此作未許秦火焚  
吾家丈人似居易落筆成章了無諱相從更作百篇詩  
且盡中山千日醉

留黃思忠

可人如君不易致惠然而來此天意往往文字雜嘯歌  
兒輩倚牆吾敢訶向來邂逅無此款曲水風流嗟未遠  
愛君欲留君不留一聞說歸我先愁亦知主人無德戀  
多情合覩青山面况聞漲江浪翻雷轂生四角若為推  
留君信自非人力君雖欲去不可得

壽仲秉侍郎

今朝雲裾下星漢明日永輪十分滿今朝海實薦蟠桃



明日潮頭千丈高君才與月爭澄  
君氣如潮同浩放  
如何不着廊廟中  
不是考槃巖壑樣  
十年立朝兒輩驚  
前日欲去親留行  
我雖流落未足恨  
世間那有此友生  
躋堂奉觴祝耆耇  
仙骨應須飲仙酒  
潮聲不斷月長圓  
歲歲來為主人壽

挽張主簿

嘗聞種德如種木  
百年培壅猶不足  
君看牛羊踐履地  
豈有寸椽撐破屋  
我方撮髮訪耆舊  
已聞定國多陰德

崑峯薦壁淵出珠天勅百靈介多福後來源委誰導之  
刊木濬川君有力一官縛死不須說天定勝人理則必  
鵷鷺覽輝下其庭一舉萬里羣鳥伏我畊我獲我其食  
夸者流涎疑者奪桃李蔭繁春不留瓊瑰夢斷月空白  
煌煌貂冕侈殊渥尚冀他時責幽宅死而不忘誰者是  
嗚呼公乎安沈魄

青樓行

踏空驕馬蹄鐵陪萬里一鞭驚滅沒青樓美人顏如花

笑揭珠簾邀客入小槽珠溜紅滴滴左持瓊觴右瑤瑟  
得君一笑妾願足不用真珠量斗斛歌聲未闕杯未擲  
城上歸鴉帶寒日蒼頭進馬莫留連別院笙歌擁門立

紫薇花

庭前紫薇初作花容華婉婉明朝霞何人得閒不耐事  
聽取蜂蝶來喧譁絲綸閣下文書靜能與微郎破孤悶  
一般草木有窮通冷笑黃花伴陶令

公歸行送王顯謨

我從職方究區域江漢滔滔紀南國厥田上上蓋名壤  
其人落落亦代出卧龍偉烈雄鼎峙雛鳳英稱冠簪盍  
峴山風流亘千祀鹿門隱槩輕九牧地靈不與人存亡  
王脉依然鍾傑特先生後出掩前哲天公着手自斲削  
如入宗廟識彛鼎如開武庫見矛戟早以命士戰羣士  
不怯小敵勇大敵三年博士嗟洄沉一等魏科登爰業  
銅符千里小遊戲瑞節三川徧揚厯欲歌德業愧蜩聒  
妄覘設施歎蠡測愛民如兒吏不擾以身為律人自服

恩波春醲疲瘵蘇美最飈馳冕旒徹賜環成命衆聽聳  
總計優除羣論咽公止一方為福星公歸天下作膏澤  
一方天下有大小公則不校我所惜周公居東逾歲月  
東人願留惜不發西人袞舄待公歸鴻飛遵渚歌九罍  
君子所至民父母在此無惡彼無斁我雖東人願公歸  
不敢自私笑其狹援毫為賦公歸行明日羽旄風獵獵

送孫遠仲知錄解官歸洪雅

錦官碌碌牛馬走邂逅僧廬欣握手嘗憶觀燈夜相過

一時勝輩同樽酒孤雲岑絕西南陬牢落重來說舊遊  
不知宦情薄如紙掉頭忽作商聲謳蚤年提筆戰多士  
晚歲功名夢相似底事人生真足夸華髮猶能彩衣戲  
霜空未脫秋山明高風駕帆秋浪輕細雨重陽好天氣  
紅萸紫菊正思君

用黎州梅字韻作詩送之

西風舉扇揮浮埃十年水曲并山隈一朝尺一天上來  
臺家擇才搜偉瑰豫樟連雲誰手栽梁千尺觀崢嶸哉

收拾虹蜺小低徊如取萬海納一杯濟時策畧招譏詆  
翳氛卷盡青天開還如調鼎須鹽梅衆星錯落環杓魁  
欲談近事樹頰頰旗矛委塵槍卧苔禍生冥冥戒其胎  
如公氣象天可回高論疾如破山雷毋使鉅鑿空耻壘  
笑渠佩玉救焚煨燼矣急挽波之頰

文約既行復作此送之

登山臨水遠送君征鴻掠天不堪聞臨歧握手惜此別  
車已載脂僕在門驪歌未殘心欲動剪燭夜談如昨夢

茂林已掃山陰迹地黃猶注床頭甕明朝咫尺隔滄溟  
烟波渺渺迷菴津我亦歸來念離索孤坐手取栢子焚  
君絕畛畦我平易肝膽相傾無復諱春風萬斛撒金蓮  
遲君更作連宵醉

荅何積中

先生古心寄玄漠老松矯矯石鑿鑿已欣淨社得勝友  
更枉高軒出奇作山林軒冕無間然造物從公意所便  
決科縱未吞餘子著書亦足垂千年



宋文約有謁於邠江不遂而歸復用韻見貽

以此荅之

中山老穎初得君姬姓之毛遂無聞疏封新賜管城爵  
待詔嘗趨金馬門胡為得此色為動引赴幽人春草夢  
新詩更許窺豹管淺識當憑發醯甕生平雅懷吞八溟  
赤脚欲踏河漢津自慚不是虎頭相未能逕取龍庭焚  
談今說古吾所易況值聖明初不諱快書禮樂三千言  
白獸先羸一樽醉

宋才夫作詩自言作縣之況以冷官為可樂戲  
用韻荅之

雲霄自許當比肩豈料坎壈逢針氈求魚乃欲從沮如  
吞舟見之定赧然諸生但解笑便腹好事誰肯與酒錢  
吹寒固自乏暖律使物又恨無神鞭君方踏筵觀艷舞  
我正閉戶甘草玄閒忙亦復分苦樂溫醲淡泊無非緣

立春日有感用彥博韻

雙轂行天不停轡世間那得西流水麻姑昨夜呼我飲

笑說海塵飛幾幾百年半見韶華濃不妨老子頰仍紅  
人生萬事有起伏緩聽高歌酌春醪

晚春有感荅才夫上巳之作二首

牡丹猶欲扳春住開到荼蘼春遂去黃蜂白蝶太癡生  
抵死嗔風復嗔雨少年世味如蜜甜邇來唯覺食無鹽  
只應餘習掃未盡一春病酒常厭厭

劉郎愛花被花惱玄都觀裏詩應好騷人從古多閒愁  
仍是清樽破除了禁詩如禁秋蟲鳴止酒如止長淮傾

人生貴在適意爾孰知螺贏與螟蛉

宋才夫解官作此送之

與君異姓如兄弟鴈塔相攜有名字西來山城始傾蓋  
北去塞垣仍握臂渥洼來者天馬駒八鸞六轡供皇輿  
朝觴瑤池夕玄圃豈願地下粒與芻三年妙旨發徽軫  
飽聽村村人說尹政成通籍天上去綠髮斑衣歸侍省  
茜袍頰萼春怡融堂上老人雙頰紅渾家拜舞上翁壽  
盡捲春風入樽酒

夜飲彥博家歸而作此

故人留飲歸夜深銅餅唧唧蟲微吟一燈猶照讀書眼  
半紙忽生懷古心亦知所貴何必用魚目驪珠自輕重  
人間蟻穴小差殊等是一場閒睡夢

醉時謠

晴輒不閒閒輒雨少神造物惡相阻我自意行無雨晴  
翻倒滄溟儘從汝青年一去不可招紫烟漠漠三山暮  
朝雲破峽忽歸來從君欲覓高唐賦向來似夢此非夢

轉眄仍從夢中去夜深泥滑欲歸時瘦馬遲遲堤上路

七夕

火金鑿攻電雷擊風從西來火折北向來勝負吾已分  
物極而顛勢其必露盤清濯房櫳秋水壺冷浸乾坤骨  
明河指點三星橫天上靈期有幽約寒機軋軋終年思  
危橋納納萬山隔不知今夕果何夕洞房幽懽寸陰疾  
仙人與世當異馳一念蕭然證無極情之所鍾豈其然  
婉孌合匹比疑褻巫娥神力造化通撫摩神禹授祕策

百靈後先相開鑿脫我蛟鰐骨再肉楚大夫王何人哉  
枕茵誣之神所殛姑置是事勿復問一扇微涼萬金直  
有景如此可小了況復我友一世傑其文如玉雅過之  
共作清詩洗汙蔑兒曹瓜果羅庭除拜祈天孫巧可乞  
何如侑我花前樽得巧未必如得拙君看鳴鳩安鵲巢  
大勝狡兔營三窟

喜仲明西歸

半載迢迢住利州嘉陵江水日夜流安得却流關下去

載我唯須一葉舟我歸未遠君隨至燕鴻相避知何意  
月巖四見月上弦日日江頭望行李庭柯一鵲鳴朝陽  
人言君歸過石崗明日拏舟入城去劇喜重上君子堂  
瘦骨稜稜衣表見我亦鬢毛斑太半談新說舊兩留連  
紅燭燒殘無一寸人生大抵如流萍忽然相值飄然分  
西風吹我又將去預作一場離恨新

飯客鎮驛見壁間書火池事異甚

荒亭舊刻書火池火從水出如燎脂五行生克謬常理



異事儻恍令人疑居人只言數里近驅車欲前僕夫慍  
誰能博學辨癡龍寄我此詩聊一問

宿永年鎮僧居

風慘雲低月欲墮路上荒村愁僻左蕭條橫道屋三間  
偃僂迎門僧一箇夜深山鬼聲砉然恐來吹燈不敢眠  
明朝踏雪又西去千疊萬重山屈盤

錢元質飲客月崑前小亭酒半月上移席坐巖

下四顧林塘景氣清絕眉山程進儒謂予不

可無詩因作此

兩山齊起屹霞闕一巖突出剗寒月成行松桂自昭穆  
入耳流泉間宮角向來妙思發天蘊突兀小亭着能穩  
漁郎撐舟更何之不信武陵眉睫近慙慙置酒臨清夜  
主人不凡客殊野酒酣燭暗月初上却徙胡床坐巖下  
疎疎林隙半輪懸破碎寒塘萬珪璧恐有仙人海上來  
髣髴天風響環玦慕頤先生有矜色索我題詩紀清絕  
才薄將奈此景何喚起吾家跨鯨白

拜嵩次山塔

向來契分膠投漆一日不見真若失那知遂作死生分  
屈指五年飛鳥疾詩人猶誦碧雲句老衲來尋金鎖骨  
亭亭孤塔蔽榛莽下馬焚香涕橫集烟林霧草不供愁  
坐對青山搔短髮亦知電露難把玩但聽漚沤自生滅  
歸來閉閣睡方美杜宇一聲山月白

自登道來馬谿作

朝瞰拔山紅一丈露草烟林氣蕭爽出門華構照新綠

並轡寶珂喧碎響  
僮奴尚語林薄間  
馬蹄勢已青雲上  
琳宮百年傲風雨  
氣象雄深挾千嶂  
青山固是耐久交  
老檜真成丈人行  
山童候門驚馬嘶  
道士疊爰知客訪  
情親肯自摘嘉蔬  
興發更遣沽村釀  
未妨意行窮勝踐  
不用心違嘆仙賞  
雙峯喚我却西去  
穿逕縈紆轉修蟒  
荒橋下馬久竚立  
孤塔懷人嘿惆悵  
多謝山僧供湯餅  
腹猶果然虛雅餉  
只應探討盡老釋  
坐覺仙凡絕天壤  
碎礫誰參水底禪  
飛蛻空閣雲間仗  
凌霄固有飛霞珮

塵蒙濁骨何由往歸來閉戶省初念一炷爐香薰宿障  
題詩聊復紀勝游永與名山鎮龍藏

游秦園分韻得東字

愛春春淺如稚童愛晴連日無雨風閉門不出春笑儂  
百年容易成老翁山茶經霜尚能紅小梅吹雪香正濃  
盍不亟倒琉璃鍾主人好意客亦同粉牋乞句酬天公  
筆端有氣如白虹少年射虎南山中于今塵土蒙琇弓  
安得雷雨鞭蟄龍拊髀浩氣亦欲東

安居道中

上如躋雲下臨淵亂石當道如防賢遙看一鳥轉絕壑  
鳥已烟沉吾木末晚風吹雪作雲飛山中更添一尺泥  
歲華如此猶浪走梅花思人越消瘦

同常和仲謁照老和仲有詩次其韻

杏花一株凌曉寒刮眼創見春風還天涯作客歸未得  
主人好事客疎頑鳴鳩喚雨綠野淨遊絲掛空白日閒  
祇園有僧坐隱几拄杖與子來扣關薰爐午篆轉輕縷

淨餅曉汲翻微瀾禪僧不搖月照水雄辯猝起雷破山  
癡兒浪說三組貴向我不博一笑懽歸來妙語出頃刻  
照坐綺縠紛瀾斑火急為續永和帖清景一失情易闌

東州行上費檢正

東州十刹如西州東州幽爽西喧湫登臨在在有佳處  
我來無事得縱游望川致爽兩奇特

兩軒甚奇

雲烟流通東

與北一為清淑一曠遠清者發興遠快目城西三刹跨

一牛

牛頭一山有三刹

五百雲堂老比丘捐金樂施到樵牧不

知願力何年修鄧家名筆難再得苦愛雍熙之兩壁

雍熙

兩壁皆鄧隱之筆

貴人摸搨不曾休真是化身千百億府公王

皇香案吏帆薄三山風輒止來蘇疲瘵十萬家卷縮靈  
河一杯裏野人冠服裹狙猿曳裾更欲之何門慙無杜  
老驚人句空負陳蕃解榻恩

### 巖桂堂

湘峯我我湘水碧萬古魚龍護冰魄荷衣芷佩凝秋霜  
欲誦遺章髮先白天生草木預何事乃與騷人同一骨



今人古人共磨滅惟有芬香埋不得主人手植雙桂樹  
寧為嬖玩娛燕席亦知蘭鮑隨所化勉進修名比馨潔  
繞除霏霏風襲予欲參靈螭駕寥閭陳辭重華弔屈賈  
酌以芳辛起湮鬱日暮美人期未來霧濕烟低花荻荻  
歲庚午予過來鳳驛觀壁間碑刻火池事嘗賦  
詩今歲甲午再過用前韻

東西燕鴻長差池二十五年車載脂觀河性在故應爾  
化鶴人歸空自疑年來於道覺差近此心頗已忘欣愠

吾兒亦復能此詩  
鐫白老人休更問

小子生於庚午

慈雲壁間有楊皓明叔崇寧甲申所題詩和者

甚衆

浮花眩眼朱成碧  
關渠何事愁寂寂  
依舊漁竿入手來  
老我江湖倦游客  
徑須一醉拋青春  
校量細故非高人  
茂弘雅量本不爾  
幾筵能障西風塵

自拋渡未嘗驚恐  
次公安舟為疾風  
倒吹幾不能返  
自江行未嘗阻風  
將次沙市風留三日

常時拋渡如不知公安浪高船倒吹數月江程絕無阻  
一舍沙頭風泊之因行逢觸發深省無事安平人不領  
要知憂樂自相形天馬擡頭見鞭影

劉蛻唐大中時人文塚在兜率寺予嘗讀孫樵  
自序其作云大中皇帝嘗有詔褒時之藝能  
凡三人而樵居其一曰孫樵有揚馬之文蛻  
既同時不應不在褒詔之列士之顯晦固有  
定分劉君獨未能忘此乎塚其文予蓋疑其

有激也作此弔之

詔書嘗下大中朝不聞稱蛻但稱樵犧樽弃溝俱害性  
此理要以達觀超封文為塚嬉笑怒恚不人知防鬼妬  
高岸為谷谷為陵磨滅可無千載慮向來述作等俳諧  
傳與不傳何有哉六經排孔諦服鄭未勝咸陽一炬灰  
虛名誤人箕斗爾引調狙公嗔與喜已嗤地下有修文  
更笑樓成能作記

涵翠亭

太華峯頭花十丈十八韓翁語豪壯法華會上如車輪  
跨猊仙人妄與真九州芒芒置勿問萬柄秋塘揷寒鏡  
楚人裂裳緝為衣一塵浣之色不怡孽童萬死劍斬馬  
何物奴言似之者觸花花恐怒且嗔悲風獵獵吹白蘋  
我來拊檻笑仍喟欲挽清冷濯斯穢主人驟然客罷休  
一醉能銷千古愁

弔李允成知縣

百年造化無遺力霜雪十圍豈易得盲工操斤選樸楸

銅柯石根弃如擲嗚呼斯人何不淑天畀之多人則嗇  
白眼千百碌碌子老虎可縛蛟可馘神鋒屢染鷄驚血  
繞匣龍蛇夜悲泣英靈不合世間着蟻宮厯游無半席  
不如收拾還山川化為球琳尚華國意氣偶合肝腸傾  
手栽檀藥食予實至今斂翼蓬蒿中不與燕雀同感激  
霜風吹愁愁更濃屈折長虹玉三尺晨興攬衣發深省  
古來精誠可裂石玄堂文成許見不魚與熊掌當取一

飛鳥道中

朝發江亭暮山驛  
面顏塵埃手龜拆  
弟兄相逐兩浮萍  
一盞村醪慰愁寂  
高堂老人念兒寒  
兒念老人不得眠  
慇懃祝付送書鴈  
為傳片字報平安

飛鳥與正老相值  
蓋十月初見之夢兆云

憶得初冬忘甲子  
夜夢與師游破寺  
明朝東望欲寄聲  
我在紫巖師錦水  
空山行役偶相逢  
物色看來與夢同  
當時夢覺疑非夢  
今日翻疑是夢中

山口阻風

舟行常有性命憂江風一動令人愁盤渦倒帆日方午  
又作賈胡終日留淮山隔江看細小淡掃修眉晚尤好  
良我行盡此江來可是愛山心未了

賦壽康海棠

何許園林春最暖海棠萬萬千千點不應惟是錦織成  
正恐更將猩血染未開半豆已欲滴爛吐一庭尤淑艷  
窺月洗雨俱可玩抹霧橫烟粹難掩梓澤步障烘曉霞  
溫泉粉玉臨秋鑑相逢但欲酣且歌目送誰言美而艷



桃花何處容面皮欲笑春風無乃僭光翻牖戶翠堆幄  
濃逼須眉纈生臉裏頭朝出常苦晚燒燭夜看終未厭  
見不數數夢來往百斛可傾心獨欠老來世味薄如紙  
斬斷情根須一斂隨身鼓笛本遊戲過目埃氛亦俄暫  
明朝風雨未可期委地泥沙混真濫憑君但向雪落時  
箇裏直須勤點檢

峽中重九以菊有黃華分韻得菊字

江湖浪走嗟碌碌往往佳時忘記錄今朝峽裏作重陽

節物雖同感殊俗終日懸憂湍瀨間何人為唱黃花曲  
尚喜樽罍餘舊醕不然何以慰蕭索每思在家天氣好  
一甕床頭撥寒綠欲熟未熟喚客飲婦罵兒朝醉不答  
只今那能問甜澁況是名樽難重得晚行江干見籬落  
小雨霏霏冒叢菊若從主人覓數枝金英未吐心亦足  
歸棹銅餅對清酌營度有疏選橙栗茱萸在手花在頭  
起舞狂歌忘為客人情一種無貴賤餘漉猶能到僮僕  
淵明固是羲皇人腰不可折帶難束白衣大自勝督郵

千古因渠重斯節我行四方亦何事  
此腹能須幾圭撮  
並頭鷄鶩不自厭  
仰首高飛愧鴻鵠  
酒闌獨誦歸來章  
醉面如頰背如沃

枕上聞櫓聲

勸君不須下瞿唐  
順流從此道路長  
勸君早上瞿唐去  
溯流雖艱近家鄉  
我今出蜀幾寒暑  
催歸苦念家人語  
更煩舟子策全功  
疾趨鳴鷄起搖櫓

晚步江許有得龜大如箕贖放之隣叟言此家

前數日已嘗得一煮之通夕旦發盜視之龜  
忽引首以水噴其面茲亦可驚異者作是詩  
以為好殺者之戒

卷帆江臯日西斜散步聊縱腰脚麻有龜如箕誰所得  
繩貫四足尚喘呀偶然相值不忍去倚杖却立空咨嗟  
客囊雖云甚羞澁數金何惜死可賒破筐解縛置池上  
初猶不動如磔蛙舟人共觀各呼舞稍稍有力能爬沙  
須臾一躍不復覩去侶蛟鱷朋魚蝦隣翁又傳可愕事

宜誌簡牘懲凶邪近嘗得一付湯鼎通夕爛煮勞薪葭  
黎明發盜欲下箸以水噴面搖其牙此言聽者驚自倒  
小人不戒愚何加我今贖放豈為德逡巡得脫汝幸耶  
不須叩門問長史無用染指嗔子家祝龜好去勿浪出  
水有網罟陸有罝作詩快讀不能寐展轉屢見燈生花  
放魚

溪媪雙魚入手中鬚鬣不搖猶眼紅咫尺波濤即胡越  
不忍敲棘人心同小舟自放清江側為龍何以報我德

只須旱歲活焦枯不用明珠光的皪

遂寧登舟

江流不知幾曲折但見遠樹合復分上灘下灘櫓聲急  
眠沙白鷗如不聞山行畏遲舟欲速試較里程翻詰曲  
都緣歸計失平章端恐青山笑人俗

舟着淺

御風起帆如曠矢不能萬里猶千里中流浪頭屋高起  
誤入淺洲舟閣底愚公不量欲移山篙人伎窮客長嘆

世言卒行好步難何如一棹夷猶間

鄂渚大風

萬艘相銜繫江渚夜半疾風來莫禦舟輕力孱費支柱  
大聲舂撞如臼杵千金應有覓壺人冤呼倉黃那忍聞  
吾顏死灰魚鼈喜公無渡河公不止

訪楊少虞得小詩併呈才夫

坐遭飛埃眯雙目不應更到琅玕腹青山為人作禦侮  
對面亭亭削蒼玉公子翩翩故自佳我來空嘆駒局促

抱冰嚼雪豈能清火裏芙蓉初出浴

舟中夜讀蟠舟詩

夜讀蟠舟詩如共蟠舟語五年別淚隔秋風萬里孤舟  
泊寒渚行盡諸方勘盡禪此句逢人未曾舉東坡老人  
喜流涎荔丹元似江瑤柱

雜言二首

春來無處無芳草但覺故園春更好海棠前日夢見之  
今日看來渾未老櫻桃紅杏相因依梅陰吐芽青滿枝



世間亦有如意事酒熟正是花開時

一萍無根託瀟渺分頭常多聚常少天涯碧草又傷心  
況是一分春已了啼禽飛來窺酒樽樽中綠波吹鱗鱗  
東君可只令人瘦更在花邊冷笑人

十八日同少虞才夫子友子西泛舟

清江不知日夜長前日平流吹作浪得得來尋白鳥盟  
仍喚津人操兩槳殘紅漸稀綠漸多苦留不住如春何  
細看恰有三十日我醉起舞君當歌紫微玉堂九天上

人非仙骨何由往舟中俱是斬蛟人洗眼待觀龍虎榜  
夜歸錯落北斗橫轉枕喔喔埭鷄鳴一春常嗟睡不足  
幸無官事莫相驚

次德茂湖中韻

秋風早已來吹人朝數暮數唯歸程白湖粘天行未了  
單舸夜泊令人驚更闌剪燭共愁語酒醒彈缺為商聲  
篙兒飯飽便熟睡那識懷家去國情

次德茂菱花韻

菱葉寒陂收曉鏡蕭蕭獨伴黃蘆暝自同香草入騷吟  
不羨玉臺春壓鬢三四鳬雛傍母眠盡付與秋秋亦領  
更看細雨出魚兒江上老翁漁未竟

萬安道上逢牧者

暖日平崗牛數尾短蓑破笠三四子牛饑吃草渴飲水  
牧兒仰卧不搖箠人牛意閒俱不知笑我駐車獨移時  
薄暮騎牛却歸去晚烟遙見隔林炊

登無為冠鰲亭分韻得山字

岱嵩拆裂滄溟翻驚魂去幹呼復還故人勸我勉自寬  
聖貴揚名懲毀殘十生導師超物先誓言一拜蠲冤煩  
曉瞰破霖山雲蹇匹馬弄袖風翩翩解鞍投寺日幾磚  
莧蔬宜我詩腸酸危亭飛出峯之巔閤黎慙勸躋攀  
我飽聞之意欣然兩脚酸澁怯不前清景一失矢縱弦  
藜杖到手勿作難萬杉夾逕穿蜿蜒坦如康莊駕輕輶  
山鬼作意發天慳似求清詩藻幽妍憑欄寸目攝大千  
萬里碧玉圓青天遠樹如髮山如拳孤鴻滅沒昏蒼烟

九關上壯須臾還以氣為馬不用鞭冠鰲榜亭固寓言  
亦恐蓬嶠神作遷雲旗往往來飛仙切勿投餌憂崩蹇  
壯哉古邑雄兩川眇然下瞰迺爾孱可憐居人蟻紛閨  
擾擾膏火日夜煎強弱角鬪觸與蠻豈知共住一指端  
憑誰與此曠蕩觀定當泚頽頽厥顏向來學道窺微玄  
妙諦與世殊越燕空生大覺海一消而況此境空所緣  
摩尼流光照八埏試將此理攻堅頑客言有句子未參  
一杯滿酌澆青山

同馮縉雲游無為以吾獨胡為在泥滓分韻賦

詩得泥字

人言躍馬妨杖藜世士不可污丹梯人言解牛非割雞  
豈信截玉如截泥山林朝士孤矢睽一物異用鵠之栖  
妄生濤瀾分畛畦我自局狹誰排擠先生大千一手提  
使握鼎鉉如扶犁豈於喧寂心生翳朝驅兩輪鹿護麋  
暮閱千紙髮變鬢痛者手摩挲者攜蚊虻膚撓夕夢迷  
餒蚊仄目初生羝血牙未洗遭燂到天公付公為旱霓

作三日雨徵可稽

久旱公至連日得雨

詰朝棧路沿澗溪籃輿輒

輒勞攀躋束縛繡斧揮金輦吏奉杖屨從小奚指點山

水窮坤倪夜談隱具窺緇緇曠然冥蒙徹甕醢轉變前

境塵却辱我自嘆駭失徑蹊公如大像頭小低嗟乎太

倉此一擗不從公來噬其臍是山冠冕川東西二大老

文光璣題公不一語意慘悽是以稽首拜馬蹄欣然傾

倒珠玻璃飛天寶燭照拱枿夢中權唱驚鳬鷺挽衣不

留恨空齋悲願苦切哀黔黎早縛渾厥臣羌氏快讀大

頌崖天齊把茅歸謝黃金閨收拾伊傅從阮嵇為公再  
歌歸來兮

遊溫湯


丹雘振翰栖佛屋蛟吻吐泉供客浴東華夢破軟紅飛  
不肯隨人到岩谷扣欄投餌魚羣喜一鱗圉圉獨去之  
萬里歸來狎鷗鳥青波如鏡鬢如絲

七月十七日游浮山值夜未快所觀急歸作詩  
田疇渺渺平一望側嶺橫峯環四向那知中有此巉巖



倚天削鐵三千丈，坤靈湧出薦地寶。方嶠飛來憇靈仗，  
我來暑濕未解圍。薄日烘烘雲盎盎，投鞭濯手趨深殿。  
稽首虛皇注遐想，黃昏食罷亟就枕。殷地鼻雷翻疊嶂，  
夜深風雨來萬騎。勢欲拔山投莽蒼，明朝幽徑一丈泥。  
淺猶沒屨深沒杖，仙游咫尺邈霄漢。但倚危欄嘿惆悵，  
琳宮危絕何由上。祕洞幽深倦探訪，獨尋荒碣考歲月。  
更覓遺民問疇曩，雲鳥朝飛溪漲深。玄猿夜咎空山響，  
過門初欲快雄噉。染指誰能當大饗，會求靈藥揷羽翮。

未分風帆隔崑閬詩作監盟神所臨後約有期吾敢爽



欽定四庫全書

卷四

欽定四庫全書

集部

澹齋集卷五

六

詳校官左中允<sub>臣</sub>瑯五珠

主事<sub>臣</sub>呂雲棟覆勘

謄錄監生<sub>臣</sub>黃鐘

謄錄監生<sub>臣</sub>嵇承羣

欽定四庫全書

澹齋集卷五

宋 李流謙 撰

五言律詩

寄張珍甫殿院

五首

自是清華選  
嘗懷宿昔期  
高名推不去  
異產買無貲  
一日風雲遇  
千年簡牘隨  
茂我添髮業  
袖裏著安危

江湖淹遠使  
崑閬侶飛仙  
牙首承恩渥  
龍墀接邇聯  
豺狼莫當道  
鵬鶚不空拳  
黯菴猶冠見  
驕王易縮肩

已瞻經時策仍輕許國身攘戎先政事強本即精神禹  
貢山川濶竟天日月新至誠馴暴逆玉笏動嚴宸

只有肝嘗露初無舌悔捫法行功罪竦令重闕庭尊盡  
變媮諛俗仍闕倭倖門書生在蓬華此事付能言

定勝端相屬飛騫已後時閱人盤谷老具眼石麟兒連  
茹才非匹彈冠想自癡讀書頭半白萬一故人知

宿船家小舟中凡三日夜作此

自昔說離亂經時足嘆吁何為來曠野端是辱泥塗相

國跛男子封侯裸丈夫未須多感慨事業出艱虞

遣興七首

僻處便身懶閒居喜歲豐蟲絲轉窻日鳥語度溪風疎  
竹斬新綠晚花隨分紅高人莫相訪不比卧隆中

柳老淵明宅蓬深仲蔚居病身須藥石閒日足圖書世  
念焚香了禪心隱几餘空鈎本無意誰為語游魚

懷抱向誰盡窮交苦不多相期慰岑寂未厭數經過濁  
酒隨斟酌新詩聽誨磨吾今已三十不擬問如何

倦倚枯株坐起尋微逕行魚為鑿坏遁蟬作採薇清彈  
指四時足閉關羣動平盡言殊未可日用本分明

水竹扶疎地前人卜築芳草荒煩僕豎菓熟戒兒曹穴  
蟻生涯陋冥鴻境界高洗心觀萬物至理寓秋毫

舞空三尺雪笑指玉如泥早日羞屠狗窮途悔射廳挂  
心無妄念省分有幽栖舌在何須問端憂愧老妻

一飽便滿意百年才轉頭可憐空不合為問亦何求黃  
卷仍舒卷清樽自勸酬弔湘兒輩事何地着閒愁



山中遣興五首

數月攜家住幽栖引興長客中容懶散夢裏過炎涼收  
網覺魚賤酌泉知酒香主人真好事詩債數能償

爛飲無賢聖高歌有鬼神梵書渾味着藥畧自心親朋  
友居山少知聞到市新孤舟怯風浪不出又經旬

游宦初聊爾歸來亦暢然低回簿領縛慚愧斗升牽元  
亮八十日哥奴十九年人生重名節富貴疾雲烟

日薄惜惜熱江渾漫漫流蟬為合尖響燕作摻裾愁棗

熟成羣打禾登掃地收展眉欣一飽八月又防秋  
嗣聖承堯禹圖書未見之兵威輕破竹天意決占龜燕  
雀甘藜莠蛟龍或沼池但令無戰伐貧賤亦何辭

遣興示彥博

信脚隨藤杖穿林復過橋聊休讀書眼小縱坐禪腰老  
木成陰徧枯泉赴汲遙龍孫吾手種先到雲霄  
尊酒誰相勸詩篇子可酬臨流驚老大倚杖笑窮愁雨  
足鳩初歇風狂蝶未休化工專一氣俛首聽沉浮

可人子陳子乃祖定元龍一寸悠悠梗千章落落松暗  
投初未擇狂吠竟誰容堅壘自銜壁饑師不足攻

雨後有月江上作

雨止夜色靜漲生江浪浮碧雲度星漢明月照汀洲倏  
忽陰晴異蒼茫意緒秋微吟不須苦下有未眠鷗

游東山

軒自峇堯稱欄因杳靄橫客魂搖鳥影醉耳入江聲失  
喜過門屐沾衿越席寧東山懷謝傳憂樂總關情

今日如人意全家在翠微葉齊才蔽樹

蔽一作庇

雲近欲生

衣樽酒蒲桃綠盤蔬赤莧肥不須聞杜宇作客自思歸

送五八姪歸二江

清霜入短褐送汝酌深杯萬事不如學千金難買才關  
心門戶重過眼歲時催莫待收燈後驅車望早來

上牛頭山

馬首多經歷牛頭到未嘗平川成岌業諸刹寄微茫像  
設尊千古香燈走四方來陪僧粥飯此願幾時償

次韻朱飾之中秋翫月因以送之

君理朝宗楫吾乘上峽船此盃同此地明月又明年怕  
作凌晨別貪看徹曉圓眉間有黃氣知近冕旒邊

送謝天奇赴淮上之招

今日論形勝全淮正上流老成資畢召俊異集枚鄒共  
說從軍樂休歌出塞愁鄉邦饒杞梓君已拔其尤

送尹仲求臨邛戶掾

何必崑峯遠天球自粹溫掾曹甘護屈僚侶總鯨吞子

去成三友公餘寄一樽  
滄溟有餘瀝猶幸及鵠原

次韻秋日書懷

官共冰雪冷身如鷗鷺閒  
更無人問字只有分看山  
莫厭蕭條裏全勝洵湧間  
秋來筍成束已筋未須慳

微風吹葉脫落日卷簾初  
蠻榼行提酒胡床卧讀書  
友朋元摠好氣味不應疎  
有暇須乘興溪中足鯉魚

平都山二首

慇懃雪色鹿報我上空濛  
老鶴三山客蒼松百歲翁  
洞

雲浮地出池水與江通仙槎無多酌逡巡兩頰紅

福地何蕭爽真祠自杳冥棟樑傳曩昔草木帶仙靈霧  
市朝仍合雲扉夜不扃天風吹玉磬應是誦黃庭

過新津游修覺山

舊聞修覺寺葦岸却維舟句法雄千古山形盡數州野  
寬仍據會江合却分流畏暑猶如此吾方事遠遊

送史唐英二首

藉甚聞名久惠然從我游敢云國士遇每向古人求一

第娛親爾高懷可意不咸韶亂蛙吹期子繼蘇歐  
陰崖隕天末朝日上團團稍覺良莠近絕知湖海寬  
門元自闢蜀道未應難富貴風花耳相看  
在歲寒

送王景文

相送復相送生憎風景殊還家疑是夢涉世誤為儒  
愛惜千金璧遲回一東芻亦思江海去書札寄替夫

送楊道父二首

骨清殊矯矯氣老自沉沉門戶託君重江湖入夢深功



名須少壯歲月惜侵尋萬里相隨去庭闈一寸心  
遂決乘桴計初無判袂愁清樽聊把手弱纜已開頭  
顛戚今元老鄉邦子俊流等閒垂一臂談笑上瀛洲

重陽前一日仲明見過留之以州會辭作此示  
之

黃菊金錢小紅萸錦紐香滯留成久客邂逅作重陽勝  
友幾相值清尊聊共嘗吾宗慣城府幽興負滄浪

允成載酒見過作此示之

乘興初非約相過不作難酒寬隨量飲花好盡情看春  
已無多子人誰有此歡明朝各行役塵土上征鞍

離合州驛晚宿茆城驛

稍喜川原豁遙看草樹明惡灘猶夢怖平地始身輕場  
圃收遺秉溝塍勸早耕得歸萬事好漂泊豈人情

寄送石鈞父二首

鳳麟元德產閱世自深根士豈無公論人宜有達尊三  
山聊袖手九折未驚魂瓦礫省珠貝先聲到塞垣

再見非無分相逢自昔緣牛峯留滿歲鶴嶠別經年師  
友今尤惜書題遠尚傳蔡山連越鴛細認落鴻邊

送程叔虞監稅

吾來真漫爾識面喜周旋兩月連墻住孤帆別袂牽人  
生同宇宙官學各風烟把酒知何日臨流一惘然

豐都驛呈任子厚詩二首

三家突荒陋十日寄蕭條破戶無人掩寒爐折竹燒青  
燈不廢卷白酒未空瓢伴我能於此他年定久要

書壞無全牘衣濡有裂繒倦梳晨起髮祇曲晝眠肱客  
路行將了家山喚得應焚香謝僊佛宵夢已先憑  
失舟前一  
日夢或云有佛光涌出罩  
惡蛇難不爾其殆不免歟

### 書事

飽飯將何適攜筇登翠微江長仍曲折樹遠欲依稀煮  
井未休汲田家初掩扉驚心崖路險隔岸喚船歸  
唯有江郊好能消畏日長晚杯荷露重午枕竹風涼溪  
鷺閒無敵庭萱恨易忘翩翩孤蝶意只是託幽香

能閒無健美可飽即珍烹成我耕桑計欣兒課誦聲橫  
戈真不武歛袂亦難平苦欲勞工宰此生無我生

塞色旌旗薄邊聲鼓角喧三軍正悲憤中國固雄尊障  
戍爭襟險朝廷護本根古來挾策者談笑整乾坤

陸使君祠二首

山為一案峙水恰面前流自是神靈宅非從槁穀謀風  
聲分井絡雲氣接瀛邱炯炯誰相領焚香髮半秋

梁初奄巴蜀仍有渡瀘人汲直餘蒸簡蕭翁亦聚塵傑

魂猶念沛遠夢不歸秦幻化元超忽何勞問大鈞

使君咸陽

人仕梁以直諫謫  
廬州卒官葬於此

### 出郊

頗愛晚涼出適當秋霽初豐年田父語喬木野人廬畦  
稻根根直池荷葉葉疎冷官無事業歸舍了殘書

### 晚泊

薄霧初迷岸微風早繫舟山青只欲遠江濶不勝流取  
酒深深的將詩緩緩謳去家萬餘里聊此散千憂

送王伯董入總幕

几窻纏結習翰墨錄殊勛未入三山直當空萬馬羣  
倪眉聊綠水展脚是青雲五十頭如漆功名不放君

昔為萬里別歸送北征鴻近接何曾數深期本自同  
遠眸眇霧嶂短筇滑霜風更說無窮樂懷中雙橘紅

送王景文入制幕二首

著眼分明見論心委曲知負排闥闔氣有泣鬼神詩世  
故從料理人材屬盛衰浮雲多變化寧憶路傍時

繾綣聯名第飄零共塞垣自知此事勝更覺斯文尊欲  
別言尤苦相期意畧存成都萬事好只合近清樽

入峽聞灘聲

山稠知峽近今夜聽灘聲燈映舟人語江空宿鳥驚不  
眠共展轉獨語記平生自覺無多愧微堪荅父兄

懷李仲明

地曠空凝結江清悅見聞娟娟初上月漠漠未歸雲魚  
樂能忘釣鷗閒故念羣桂旗風不度却立詠湘君



斜暉放船好晚吹得涼多星斗窺深酌魚龍荅浩歌乾  
坤身半老湖海意如何夙昔紉蘭約遲君肯重過

謁無盡墓

飛動少年意如今推達尊何人窺畛域投老見根源草  
沒碑無字林深木有孫只須說廉藺猶足褫諛魂

五百羅漢洞

五百雲霞侶同胞生佛家不貪三昧酒共駕一乘車猿  
餽霜餘果僧烹粥後茶我來無供養唯讀妙蓮華

法華  
皆如

來為羅  
漢授記

枕上

欲問更長短江村無鼓聲客懷如酒病秋夜與年齊被  
冷失孤蝶霜清聞遠鷄終年為蕩子尺紙愧山妻

射洪道中二首

曉色仍過雨殘鈎不掛天空霏漫野迥淨綠浸江鮮何  
自有靈鵲誰言無杜鵑倚風搔首意窈窕若為傳

遠墟行鵲鵲滯緒豁欣欣挾翠山能潤矜晴草自薰墮

鳶那及嘆飛鷺可堪羣欲共江流說滔滔故不聞

仲明兄弟訪別郊居

眼遠孤帆沒臨流一悵然分攜惜此日作惡驗中年惟  
有加飧祝仍期得句傳相看俱四十香火好因緣

次懷安骨肉自簡池來會

來往金澗道尋常不隔年異方何契濶渾舍此團圓老  
子風埃甚孫兒玉雪娟妻孥勞行役爭勸吸長川

吳波亭相對數峯極可愛

吳波波上亭一面列山屏雨雨晴晴好朝朝暮暮青倦  
身無處著醉眼為渠醒便欲攜歸去全勝腰萬釘

寄彥博二首

聞道陳夫子年來學更工幾人曾着眼聖處已收功老  
驥思長路潛鯢待疾風何當問奇字載酒過揚雄

世途今若此吾道竟何如學古疑無用謀身忌太疎引  
杯空慷慨看鏡獨躊躇千萬胸中語因人畧寄書

七曲祠

天生絕代英夢想見儀形桂殿風凝綠苔宮雨護青雲  
雷通翕忽洞穴闕陰靈只有丹心苦聊將託杳冥

夔子岸下水作頽沙裂岸轉舟避之

狂流作平地別渚轉輕橈岸斷石出沒雲虛山動搖奔  
湍長瀕洞杯酒且逍遙可待然犀照潛鱗意自驕

仲明留少城未還予將歸矣留詩別之

判袂四十日望君君不來過門先問訊立馬屢徘徊正  
坐牽歸夢無緣把別杯鶴山果西去會面更悠哉

別元質

鷗輕家泛泛梗短路悠悠妙句能留客澄江可散愁長  
年資浩歎秋色動商謳故有先疇在歸為鴈鷺謀

遠夢燈頻照羈懷酒重傾啼鳥翻夕露歸鴈占秋晴此  
地豐魚稻如君好弟兄語離亦怊悵松檟獨闕情

送錢太虛同年

不隔同年面真情本弟兄人能純白備交自始終成測  
管才窺豹傾江試吸鯨吾言著蔡驗決矣看飛鳴

次趙惟直韻

山合失空曠江奔成溯洄陽臺鑱雲雨楚澤貯風雷  
白鳥背人去青帝明眼來舊醅寧得厭聊共客中杯

次韻仲秉見寄二首

別後年仍換詩來語更工音書恨不數魂夢却相通  
草木春風後關河夕照中飛鴻不可倩此意付筠筒

讀書空有癖學道苦無工散策羣峯近穿溪小逕通  
此身猶客裏野性合山中春水添新浪煩君理釣筒

次仲甄韻二首

大用不堅壁等閒憂患侵平生知學道萬事付無心露  
覓鉏晨甲烟簞步夕陰陶然宇宙內魚鳥聽浮沈

惻剝風枝恨若為開我顏索居詩社廢多病酒杯慳本  
自便三逕何曾夢九關臨溪問魚樂知我是青山

益昌道中次兄長韻二首

聚頭閒日月逐日信東西夜泊驚逢虎晨飧倦乞醯燈  
青千嶂夢月白五更鷄耐老前山路長年送馬蹄



木杪着郵亭山行未飽經已成身挈挈恐失鬢青青老  
樹霞烘幄陰崖雪糝屏冰霜先訓在敢負舊趨庭

投晁子止制置三首

讀書萬卷破轉物一機神道德欣為御文章妙斲輪聖  
賢同一處天地要彌綸汗簡窺千古從來只數人

吳甸七千里坤垠六十州宸心寬北闕老子在西樓召  
伯出分陝衛公歸相周衮衣人愜意重為雪山愁

西南雄節制人物妙鑪錘舐鼎非無意登門獨恨遲正

期雲觸石會見茵成芝不信酬恩事君看左顧時

送查總卿三首

事業參亭毒人才兆廢興百年爭鳳睹一遇慨河澄手  
到無盤錯旁觀有級層夜來春夢好先已上觚稜

御爐薰隔夜清蹕響凌晨對罷天顏喜朝回賜服新自  
期宜棟幹小却尚絲綸此論由來久周行萬搢紳

臘雪干江浪春風萬里船相依身健在遠送意茫然公  
近此三接吾驚失一天相君如辱問願報已歸田

夜坐呈王子友

無羶殊未覺有興亦難忘  
小雨寒微就孤燈話儘長  
疎涼湯煮豉淡泊菜含霜  
為問王夫子如何共肺腸  
晴山見歷歷遠水聽颼颼  
宇宙不知大關河空復愁  
孤雲游子夢滯穗野翁謳  
我與鴉俱息烟林晚共投

晚歸

漁子艤舟待山童負笈窺  
數峯街日盡百丈逆灘遲  
去住初隨意夷猶獨誦詩  
不妨歸更晚正見月生時

宇文氏莊觀海棠時海棠未甚開而余旦夕歸

矣賦此

雨猛幾終夕風狂遂徹朝  
眼緣春色醉魂為客愁消澤  
國空留滯山房恐寂寥  
平蕪烟一望鄉夢太迢遙

即事

山路仍多雨秋天最易陰  
呼舟亂灘響倚杖俯溪潯  
風力憑江橫雲容隱樹深  
一寒遽如許料理欲歸心

錢氏隱居三首

高樓俛氛穢華屋照滄浪  
列岫帶修竹小池環海棠  
晚盃魚蟹富春筍薺薇香  
涉世真無意吾今號漫郎

野水瑩心碧春山入骨清  
去穿雲際屐來卧竹間亭  
鳥語風嘲哲花枝日杳冥  
晚來江上笛客裏不須聽  
遠樹高低見清溪曲折流  
草眠耕後犢波泛狎餘鷗  
醒醉無人管登臨各自愁  
扁舟大如葉爛漫作春游

偶失一丹瓢戲書

誰取一瓢去虛勞九轉功  
徵杯驚羽化開畫嘆惻空已

墮寧論翫雖止未失予人間閒得喪盡付綠樽中

次韻德茂待仲甄巨卿未至

飄零一月住日望北來船眼冷傳書鯉腸空吸露蟬夢  
魂孤枕側行李畏途邊堅守蒲人信嗟予苦未賢

抵家

何地非吾土故鄉情未忘掀眉對兄弟酌酒話行藏拜  
墓色不愧逢人語更狂梅花相待發好在細思量

郭及之僉判招飲雅安同僚也

江來從此合我上爾東行節物驚心地主人留客情霧  
花搖老眼霜燭灩深觥醉恐清歌斷應須更數聲

送牟孔錫之官叙南二首

凌雲高鵠峙擲地響金湲蟾窟聲名早鰲峯氣象尊十  
年才一試萬里正孤騫勿說居夷陋吾師有格言

得朋宦游樂不覺在山中慣住家鄉似頻過骨肉同憑  
欄但烟樹振袂忽霜風遠別無窮意君歸我已東

送李仁甫運判赴召三首

嵩岱國之鎮鳳麟天所生有人占寶氣無耳着修名斯  
道自神聖爾曹聊重輕晉書定一付一代聽權衡

累歲徵賢詔于今始一來已令人意滿更着驛書催白  
璧有成價娥眉無巧媒經綸夙昔事吾駕不須回

瞿塘六月浪如馬亦安流舟楫魚龍喜藜蒿虎豹憂低  
回嗟薄宦慷慨動商謳門戶今如綫非為梁稻謀

江上晚眺書所見

雲鎔金錯落月挂玉盤盂水退岸全缺烟陳山欲無沙



晴鷗併集林暝鳥爭呼不必求摩詰分明是畫圖

舟中

欲買一江碧不知須幾錢舟輕故款款酒好但涓涓雲  
脚他州雨波光別岸天漁謳與樵唱同和小山篇

小息

倦征當日午小息散腰頑索酒初隨意題詩自破顏不  
須通姓字聊欲賞江山放蕩郊園樂于茲稍稍還

贈白道人

天涯隻影隨百結身上衣有術没人買無家何處歸自  
言窮亦好未與道相違酌汝一盃酒醒來萬事非

贈藍元一道人

我聞方外士見面照人明筆幻歲寒友琴彈太古聲侯  
門知遇重真館笑談清茗椀聊相對清風兩腋生

次韻宋德器春晚即事五首

室空超衆止理妙契無同簾卷半規日香吹一綫風草  
晴唯欲碧花晚尚能紅老我閒居興清應到小童

久習成衰怯何方療濶疎柴車窮巷客貝葉長

上年書聲

每愧沾沾喜寧甘鬱鬱居著神吾未暇堅意聽盈虛

靈明觀自己糾錯漫殊途晚柱誇完壁探懷失繫珠封  
侯真不願作佛尚堪圖解我無還語根塵法本龕

樓迴支筇久庭閒轉榻頻松衰無直幹竹好但新筠漫  
仕慚逋客躬耕羨野人可能千里意端的為吳尊

柳老陰陰密榴繁灼灼明持杯了醒醉拊檻置枯榮谷  
曠簫笙雜江空鏡像呈澄心著老眼物物見真情

元質苦留過重陽且約泛舟觀泉二首

舟行十里遠山出一泉清為景尋幾徧將詩賭欲羸江

清渾玩著酒好易支撐半世無功業狂歌任性情

性亦作野

久客相省好思歸得去不深慚楚醴設更作賈胡留歲  
閨菊花早霜清竹葉秋尊前聞見在不擬說閒愁

早飯白厓鋪淨果院

久客諳人事身能到處安爐深紅一聚竹瘦碧千竿祇  
作臨深恐何辭行路難幾成晚來雪唯有不勝寒

用仲秉韻貽照老

來問維摩疾幽人有宿盟浮漚非實性鬪蟻是虛聲廟  
冷香誰執城空賊自平老師家裏事無壞亦無成

贈照老

舊矣聞名熟欣然識面初只求一轉語不用五車書出  
屋茶烟密臨溪樹影疎地偏吾所愛庭草不須鋤

照老用韻謝復作

了了三生事寥寥一念初未忘牛背約端憶籠中書塵

劫空相隔交情本不疎焚香咨勝義驕色已先鋤

用前韻呈照老

吏部稱文暢愚溪進浩初深慚詆佛奏更著廣交書情  
契遠猶合義乖隣亦疎詫子無駸習固自起犁鋤

泛舟呈元質照老

扁舟載我去身世兩悠然暝靄無窮樹春江不盡天阮  
嵇真酒伴李郭即神仙孤唱君須和風流漢晉前

落日清江濶臨流一慨然斷鴻烟際渚堆靄雨餘天照

海珠成市騎鯨客是仙輕風借帆力送我玉妃前

僕盡半月之力僅得五詩而和仲落筆成十章  
俊哉予所甚畏也勉作二章荅和仲三章述  
懷庶滿其數云

向來得秘藏著意國風初一字嘔心出十篇隨手書天  
成新句熟月煨古人疎長鍛非君敵區區恃棘鋤

慷慨揮毫際倉黃展卷初少寬誅冠檄已草納降書恃  
勝防君失輸籌笑我疎班龍落落誰手芝草費人鋤

用韵荅王子蒼

聖道灰秦燎殘編出漢初  
混茫千古意破碎百家書  
中  
鏑無多語操戈亦太疎  
升堂得玄解伴子帶經鋤

荅李仲明仍用鋤字韵

月白星稀後歌殘雅奏初  
剽聞先破胆欲見疾開書  
孔  
翠仙毛爛珊瑚海樹疎  
好詩如好畫黑瘦未容鋤

李允成次彥博韵見示仍用韵荅之三首

花氣濃熏塢藤稍密蔭橋  
但須樽有酒未問印垂腰  
芳



草晚尤碧好山晴更遙太阿真寶劍不必夜干霄

吾家老仙伯白壁半錢酬杖屨窮幽地禽魚替客愁可  
能百世出閒却一生休念舊須公等年來嘆俗浮

俛眉聊卓魯高步故夔龍倦翮閒霜鷄蒼稜老澗松只  
應安小試正自恥先容泚筆書三異他山玉可攻

以雙筆贈照老用前韻

三窟驅除後千毫束縛初得封才五等進位合中書炯  
炯銀鈎粲翩翩薤葉疎惡詩同遣贈荒類要君鋤

宿離相院

客到蒼苔寺僧鳴暝色鐘古檠挑焰澁疎屋透霜濃吾  
道元迂濶中年雅倦慵誰令背猿鶴自酌不須攻

遊靈鷲院

人說招提好來游稱所聞雲烟四山合草樹一溪分瘦  
馬催歸晚闍黎館客勤荒墳有郎宿夜夜粲天文

游水東院

二首

暝角傳風遠昏帆到浦遲草猶矜晚翠麥正及春饑客

鴈無留意殘雲有去思濁醪不禁醉聊藉晚風吹

虛檻橫空濶平郊入望賒樓臺萬家邑桃李一川花鷄

犬非人世樵漁亦相家

寺云令狐綯宅居人蓋其後云

閒思十年事倚

杖獨咨嗟

余侍親官此今十年矣

### 次黃仲甄峽中韻

峽水清一線峽山赭千層禹力不到處蜀靈用功深蛟  
龍改窟穴日暮聞微吟遙想風雨夕扁舟繫楓林

### 石洞二首

春夢斷不記春游誰與同竹斜過午日池皺晚來風柳  
已都齊綠桃猶約畧紅流鶯啼未了又過短牆東

香霧團成蓋茶花白勝酥對書閒境界覓句靜工夫客  
信因魚得歸程約鴈俱庭前海棠樹尚及一春無

送何子聞使君之行在

繫舟鄰近渚索酒共清斟契濶十年事飄零萬里心大  
門元赫赫要路正駸駸去國吾何恨看君上禁林

挽費檢正

三首

鈞深三古學遇合百年機垂上青雲去仍完白壁歸功  
名身易老豪傑意多違鼎鬻留餘啖蒸青有發揮

瑤墀隣近侍華戟老方州閉閣人無訟凝香歲自秋凶  
衰乘鵬集涕淚感麟休古佛知公恨涪江不盡流

憶作荊州客多慚鮑叔知蒼黃懸榻地慟絕蓋棺時映  
睫餘殘淚親膚有近期空山那得去倚杖鬢如絲

挽張主簿

百里桑麻地春風鼓舞中隨軒一犁潤折獄片言功小

試已無敵晚成應不同他年循吏傳亦足慰途窮  
楚楚桐孫秀願交慚不量新詩吾退舍前輩子登堂刮  
目鯨掀海經年驥伏箱斯言儻不驗我欲罪穹蒼

挽秦國夫人

鸞衿榮翠栢璇魄媚方流慶襲高華出賢供窈窕求靈  
光分婺照靜質肖坤柔閨闈關何事風人美造周  
賚說端由帝生申未許崧神功資鍊石吉夢託占熊赫  
赫扶天業堂堂浴日忠芝麟昭聖瑞何力贊元工

華筭諧淑配綠髮負平生桃李春如寄鷗鵬夢不驚周  
婆慚絕識蜀寡讓孤情口授天人學寒窻伴短檠

伴渙方興日憂危未決前偽書知莽詐新厯斷周延永  
作羣疑泮風從一語傳龜靈無此識上智炳機先

露蓮秋沼瑩霜月曉潭空禴翟翻經外塵泡隱几中禪  
心安瘴嶠結習謝雲攏五頌分明說癡人耳自聾

久矣鴻飛渚翩然鴈字峯九重疏異渥萬里合幽封引  
樞烏銜壤馴阡鹿護松他時人下馬有子是夔龍





欽定四庫全書

澹齋集卷六

宋 李流謙 撰

七言律詩

杜少陵祠

赤紱銀章玉骨寒  
焚香再拜淚沈瀾  
黃花鄴縣仍羞見  
好月鄜州只獨看  
可是一生長客路  
故應千古恨儒官  
蚤知涉世元如此  
悔不霜林斫釣竿

草堂

浣花溪上得閒來  
石刻摩挲病眼開  
短策多時臨水立  
紅塵半路與風回  
乞靈伎薄裳為帶  
驚世名言海納盃  
相對只今真夢寐  
數椽茅屋老蒼苔

宿魏城驛用羅江東韻懷李仲明

昔年漂泊記曾游  
碧樹蟬聲又帶秋  
滑滑泥行青嶂路  
翩翩風倚夕陽樓  
人誇馴雉碑猶在  
書託文鱗水漫流  
天遣此來相近傍  
伴君牢落向邊州

題重興寺

陌上橫流浸作泥行人步穩方一移春雲將雨遶山去  
社燕營巢貼地飛慙僕且須投古寺閒懷猶喜論禪機  
中宵瞥起胡床念回首家山幾日歸

游龍角山福志院

招提未到只聞名乘興來游意最真出郭都無三十里  
同行恰有兩三人入門竹逕能明眼隨處禪房可著身  
莫恠山僧拙言語十年已不踏紅塵

忠州

井邑雲根一聚村，尋詩來掃壁間塵。此州惟有斷頭將  
聖世初無弃梗人。楓葉晚林終日醉，梅花臘嶠幾時春。  
不愁過客當年淚，尊酒黃堂是舊隣。

自三池一日過靈池十五里頭宿山險盡矣

壠頭停轡望龜城，元有夷途似掌平。厭把五更供客夢，  
猛將一日了山程。樹連新綠千林暗，日轉斜紅半野明。  
稚子別來應念我，候門深喜馬蹄聲。

抵簡池呈元質進孺二首

持此迂愚漫浪身，忍慙一出竟何營。  
枕邊客意兼寒意，門外溪聲似雨聲。  
易辦蓬蒿三畝宅，可無藜藿一杯羹。  
青衫豈是官人樣，白鳥私憂說敗盟。

竹生稚子鶴生雛，重到君家舊隱居。  
病後苦無多酌酒，別來唯有自鈔書。  
身方逐食從飄蕩，學久師心恐闊疎。  
慚愧故人相念意，欲行爲我少躊躇。

呈德茂

德茂是日收家信

秋入羈懷勞我思，愁兼歸夢到家遲。  
有人來得平安字，

無事編成酬唱詩  
相伴幾經江月照  
同行更賞峽山奇  
祇應便把州麾去  
還有三年不見時

十月十五日同黃大博出城

休沐來尋九里松  
故因晴日覺春容  
寒餘淺水紅衣盡  
淡抹輕烟紫翠重  
倦向山僧談白葉  
歸從逋客醉黃封  
塵埃眯目成深省  
何處招提鳴曉鐘

送張仲山守唐安二首

六十專城髮未斑  
更於何地覓三山  
不妨談笑催科裏

正賴清涼熱惱間。到日紅梅留臘在。公餘翠杓酌春慳。

胡床有月堪乘興。客到南樓不下關。

客謂所薦士也

南浦波輕草色微。寒驢遙路獨依依。暖風旌旆春隨去。  
細雨犁鉏麥正肥。驛騎蚤聞催迅召。邊屯猶未解重圍。  
謝家父子名江左。折屐行看破賊歸。

送崔子淵祕丞出守小益二首

寶峯山下識君初。豈但聲華在石渠。海上三山元咫尺。  
人生五馬少躊躇。鼎鍾事業那能免。丘壑情懷自覺疎。

安得一帆相逐去故園春雨長新蔬

晉公幕府總豪英末至非才愧長卿已去化爐金尚躍  
更分客袂涕空橫早催劍棧迎千騎更借湖山勸一觥  
水自嘉陵流到海尺書應有故人情

送孫賓老守三池二首

自藝心田歲自收天翁兩眼月臨秋近臣薦鶚方成表  
吉夢逢刀遂得州吏術無多非問馬機心已盡不驚鷗  
三溪便是桃源路更欲武陵何處求



百萬貔貅尚枕戈將軍未復舊山河非干使者徵求急  
正柰窮邊餉輓何頗願有言先收養不妨自署拙催科  
公餘儻暇尋遺事塵鎖荒祠望剝摩

送魏德源守普慈二首

一毫不露見全身德覩徵符捷若神嵩岱自高元地勢  
球琳非琢本天真出山聊作無心潤著物應名有脚春  
喚作使君猶未解豈知游戲雨朱輪

東梓名州最普州墓廬相望氣橫秋青衿胄子迎高旒

竹馬兒童識細侯，只有愛民心尚在。  
可能憂國淚空流。  
摩挲疲瘵無多事，綠野家家劍換牛。

送黃仲秉侍郎出守鎮江

十年朝露厭鳴珂，華髮蕭蕭奈倦何。  
鸞翮九霄穿日月，龍驤萬斛飽風波。  
古人不見吾猶夢，直道能行恨亦多。  
駟馬錦衣兒輩事，只須持此答岷峨。

遙看北固海門秋，千騎東方占上頭。  
去國尚多憂國淚，送君那免別君愁。  
風遲宴閣清香凝，月滿飛甍晚穠收。

北府名樽天下說亦知能到故人不

次黃仲甄峽中韻

九江度盡惡風波峽口窺天一握多亦愛吾廬覺歸好  
數乘此險奈親何響迎濤瀨將愁上青惜峯巒等夢過  
不管行人聽不得暝猿和雨嘯雲蘿

十月二十五日失舟

船頭飽飯看揚舡忽作翻漿不反瓶萬死一生真是幸  
九江三峽未嘗經尚收弃物乾坤大薄恃陰功祖考靈

憂患偶來須理遣可能為汝更星星

泊采石二首

何時便有此山川真宰懸知恐偶然  
唳鶴驚風前日事落溷斜照晚來天  
燬犀無用撩幽恠洗醎先應酌謫僊  
暝角吹殘吾欲老五陵佳氣隔疎烟

江頭楊柳淺於金澤國餘寒春未深  
才見桃花能慰眼便同躑躅每傷心  
瓊枝璧月自惆悵山色潮聲無古今  
閒訪闍黎倒戈地正應漢德有謳吟

舟中

一舸乘涼載夕暉  
晚來白汗稍停揮  
近人初月當頭照  
趁宿輕鷗直下飛  
江國有天須恣買  
岫雲無雨莫空歸  
新秋漸到灘頭樹  
先遣蓑童問釣磯

月夜江上作

月與清湍一樣流  
不妨夜色尚淹留  
已將船作青天坐  
安得江為大白浮  
恐有幽人釣寒渚  
正須橫吹起危樓  
年來身世無拘管  
便是波間一葉舟

水後過淮安金堂皆非舊路

向來茅屋半驚湍嘆息流亡久未還已覺重行非故道  
只應無恙是青山旋藍偃獄元常事深谷為陵亦等閒  
衲被蒙頭都莫問未當居士一分頑

焦山漢末焦光隱於此是日乃其生日土人會  
者甚衆

桂樹蘭叢藹宿薰楚辭一曲送迎神豈聞鈎黨能留漢  
故有桃源可避秦欲記曾來終草草多慙浪走祗蹉跎

却尋揚子江頭路依舊楊花愁殺人

連日陰雨未及一到金焦二山病中得梁文佳  
句枕上吟哦不能自己復次韻

雲滿長空雨漲沙金焦一望去非賒擬拋塵網尋僧舍  
更著烟蓑訪釣家北固江山仍壯麗南徐風物尚繁華  
只愁病客難登檻且待金烏出海涯

再遊蔣山

繫馬松門竟日留一燈深殿炯清幽杖頭猶識齊梁識

屐齒曾經王謝游  
瑟瑟新毛吃老樹  
娟娟眯目破紅榴  
風鈴塔上知何語  
應使行人估客愁

江南春晚見芳菲  
雪白梨花照客衣  
步步來求諸佛記  
塵塵全現祖師機  
不禁戰伐山河老  
猶說經綸俎豆非  
共飲名園那惜醉  
落紅故故傍愁飛

久留蕪湖待巨卿仲甄不至

吳波晴浸夕陽紅  
一語丁寧北去鴻  
頗覺淹留添髮白  
不妨羞澁剝囊空  
枕頭靠睡禁長日  
舸背占旗惜便風



想得家山俱在夢亦應煩悶畧相同

蕪湖晚步

迴陂積水長蒲蔣散步郊原借夕涼  
塵袖風巾嗟久旅  
稻畦柘逕似吾鄉  
蛙聲月色當空曠  
爨火人家在莽蒼  
望合碧雲人未至  
滯留愧客問行藏

遊長蘆

他年天眼識禴禱千柱如今鑠夕暉  
笑說老禪操一葦  
戲呼靈媪授三歸  
波濤噉岸蛟龍惡  
荻竹抽萌鱸縷肥

曲水流觴記今日晚風直欲透人衣

金陵二首

龍蟠虎踞帝王州屢歎降旗出石頭不惜家居撞壞了  
可因歌舞破除休露桃滴滴啼宮井風柳條條絆客舟  
春水一江流未盡不禁更問幾多愁

江城疊鼓晚停撾游子翩翩念歲華水底乾坤浮日夜  
沙邊鷗鷺老烟霞漁人能說陳隋事燕子猶尋王謝家  
南北自分仍自合不應全殢後庭花

午飯高橋院

招提下馬憇逡巡野飯親烹澗底芹  
二月韶華聽啼鳥  
百年心事信行雲不禁烈日花光薄  
更抹微烟草色薰  
老衲未知風木恨  
向人猶說故將軍

院僧不識予頗  
談先大夫之政

游虎丘次仲甄韻

逢山到處為遲留行到東南第幾州  
終古香燈憑

一作尊

像教可人軒戶稱山丘苔封鐵色千尋壁  
日麗雲章百尺樓  
脚底全吳何足小待將八極恣浮游

人日同諸公自馬谿登道宿無為

塵埃眯目浸填胷日日青山在夢中改歲人家無一事  
並游文社有諸公招提夜語驚山鬼野店春沽醉病翁  
綠塢紅村誰境界自憑好句占東風

次韻彥博游無為馬谿併呈孫隆州

塊處無人語合頭出門猝猝又還休縛茅晚歲欣同社  
並轡名峯得勝游松下一筇真可老山中五月已如秋  
未應斗粟全闕念更為先生幾日留

又次韻彥博游無為寺二首

靈蛻巋然謝垢埃焚香却立嘆奇哉自從新歲門常掩  
不見青山眼懶開飛觀千楹孤鳥墮齋盂萬指曉鯨催  
亦知空劫已前事浪說十生曾去來

東風力弱未揚埃密泛叢蘭有意哉可是伸眉須酒滿  
只應彈指又花開吹毛句妙無人領擊鉢詩工著底催  
照水只愁羞冕紱勲名蓋世亦時來

游長松聞捷音

十里登山訪定身衣邊猶帶簿書塵僧厨筍蕨隨齋鉢  
禪窟香燈話宿因便可扶犁老岷蜀已聞傳檄定咸秦  
家家釵釧何須惜難買堯眉一笑春

次韻何子聞安靜觀

翩然逸想九霞間仍是霓衣與鹿冠塵劫三山元自近  
神官一字固應難雲烟萬瓦虹釭壯冰雪千幢鵠輦寒  
堪笑木強韓吏部如何容易撮靈丹

日壓茅簷醉擁蓑靜聽寒溜奏雲和深藏本自身全露

瞪眎元知語不多紫府地嚴須一到蒼崖文古要重磨  
新宮固是叢霄樣應有胎禽憶舊柯

郊行至天王院

郊行不欲經城市厭見塵沙漠漠黃響樹蜩蟬憑晚吹  
遶陂鳬鷺占殘陽青山與世久相絕修竹於人未易忘  
下馬招提揖僧話始知塵境有仙鄉

挽張雅州

彥成

酣飽風烟德有芽從來三戰是張家翩翩羣從同時貴

落落高門一世華人自不欺寧用忍身如可贖但空嗟  
路人泣指飛丹旂猶憶雙旌卷暝霞

三年流落塞垣春雪屋冰廬樂藻片司業頗知憐鄭老  
薛宣能不吏朱雲鸚鵡牋重刻新如昨蟻壤高眠喚不聞  
一掬隴頭知己泪霜風吹墮白楊墳

自少城解職事還邑二首

塵埃一出竟何為白竹依然晝掩扉只應為客重為客  
便欲得歸寧得歸獨鶴靜臨寒沼立遊蜂閒趁落花飛



東君老大人消瘦憑仗清樽一解圍

胡床卯飲帶餘醒身世如天行白雲竹簡讀殘聊一嘆  
水沉燒盡更三薰癡心久絕臨淵羨老手唯便植杖芸  
自有此生須自斷豈能曲折問靈氛

靈氛古之  
善占者

### 送劉元圭

犯寒過我喜仍驚節物崢嶸更遠程劇飲投車輕十日  
細談剪燭易三更故人高義千鈞重久客歸心一夜生  
為語溪翁好相念時將蓑笠曬春晴

弔無為照老三首

彈指超然一念初從儒從佛兩遽廬十年身走半天下  
萬卷人稱行祕書故自高懷嫌入俗不妨兒輩共憎渠  
臨行半偈如何道裂轉虛空最起予

裂轉虛空  
師遺偈也

記得三溪溪上春瘦筇客我夜敲門一生幾見此人物  
十日九從師笑言閒得得來非有意冷湫湫去若為論  
西山第一烟雲窟好駐高人雪月魂

六尺巖巖鐵石姿可憐一病不支持荒榛半壠獨歸處

暄霽數峯無見時未割塵緣聊洒涕欲尋陳迹但哦詩  
蕭蕭秋雨山中夜負我他年對榻期

和葉六舅

李杜主盟詩有聲文推韓柳著章程二三子者皆人傑  
五百年來並世生但見詞源倒三峽豈知武庫足千兵  
勉君須把分陰惜莫問紅塵雨共晴

費文達除變漕作此賀之三首

分明餘潤徹眉間道德根源固曄然寶篆印泥初不着

神機貫札自無前  
絲綸新渥榮三晝  
鼎鉉深知眇一涓  
兩禁只今誰妙手  
岷峨人物半吳天

吉音一紙疾郵傳  
白帝城頭勸著鞭  
楚樹已沾新雨露  
蜀江行換好風烟  
政須急拯溝中瘠  
不用多流地上錢  
一節故應闕象緯  
向來兩使動星躔

刻鵠工夫愧不量  
弓裘遺緒可能忘  
一廛未遂耕桑計  
半世空磨翰墨場  
桐爐偶收非有意  
璧瑕誤指亦何傷  
霜松不學閒桃李  
報答東君日月長

同邑寮飲望錦亭

小亭挈榼共登臨，濯錦城高隔暝陰。  
元有乾坤堪著眼，却因身世苦驚心。  
碧山已盡天猶濶，黃葉欲殘秋更深。  
已把安危屬王謝，酒闌不必淚沾襟。

獨步

凍殼藏龜太窘生，驚心已覺歲崢嶸。  
倦慵把易床頭看，獨自尋梅樹下行。  
溪面冰花寒更結，屋顛雪意晚將成。  
一生與物無深分，竹葉相看合有情。

書事

五十光陰兩歲過頭顱閒處自摩挲  
隔離山影誰招去  
滿樹梅花獨占多  
物色年華同我老  
蜂情蝶思索渠何  
少時一劍明秋水  
放在塵中久不磨

偶成

早年種竹作漁竿  
笠澤煙波夢未闌  
已向塵根消縛脫  
猶將文字校甘酸  
風松自有閒宮徵  
溪鷺初無俗肺肝  
最愛少游平日語  
墮鳶跼跼遣心寒

人生偶爾竟何須點檢閒身一事無可笑戰蝸猶曳甲  
不妨夢蟻却分符夜涼白月誰相過酒盡清樽可更沽  
作箇生涯若箇是步兵不擬哭窮途

離家記得臘前時吹盡飛花了不知傍枕厭聽連曉雨  
援毫愁賦送春詩百年直好平章看萬事仍須爛熟思  
臣朔不堪當世用唯應索米救朝飢

獨行飽飯腹屢捫欲出未出星縱橫梅花於人遠近好  
月色隨我東西明香來適與鼻觀會夜久忽遣毛骨驚

急須喚取陳夫子欲與平章此段清

卽事

懶步東阡與北溪一春心賞苦多違墮紅藉藉癡蜂醉  
稚綠陰陰乳燕飛去國三年應自笑封侯萬里不如歸  
門前車馬能來否午睡醒來獨掩扉

愛春未得一錢酬獨倚東風搔白頭花影入簾情冉冉  
竹風挨枕夢悠悠黃鸝欲下無誰語碧草相看始欲愁  
老大別無新伎倆只憑詩句寫風流



雪嶽雲林共莽然世間那有此江天曉檣攬日何時到  
夜柝鳴風幾夕眠閒卜家書燈似粟略開旅抱酒如泉  
輕鷗飛下仍飛去汝在江湖是散仙

仲甄見和復用韻

坎止流行亦漫然斯文未喪本關天冥鴻雲外知誰報  
怨鶴山中不得眠連榻故人非楚楚杖藜幽約在林泉  
盛詞終日供吟諷骨換元知久學仙

即事

清江與我共天涯若到滄溟始是家  
曉渡換舟驚宿鴈暮林繫馬散栖鴉  
山童老木才餘骨潮落寒汀半露沙  
只恐行人不著眼一川秋色在蘆花

次韻楊文甫監茶名山新建學橋二首

高棟浮空插萬甍來游誰是魯諸生  
規模要識鳴絃意土苴猶消擊柱爭  
馴壠雄驕佳氣象集林鴟惡好音聲  
白頭老令能知此莞爾相撩意未平

赤欄畫柱水光中更愛豐碑筆吐虹  
霧市溟濛鼉闢首

雪花錯落馬行空  
關門近接俱天險  
溪水平流亦海通  
執朴笑渠憂詛者  
不知說豫坐收功

元質攜客渡江飲於村店

一篙寒碧碎鱗鱗  
數尺孤舟僅著身  
江水煮魚還地脉  
瓦盆盛酒見天真  
頗容老子賒閒日  
聊與青山作主人  
不用樽前羅粉黛  
遠峯元解作眉顰

招黃太博飲

去歲是日離家

從來官職慣如水  
便是青衫行脚僧  
去歲離家今日是

故人招隱幾時能早衰鬚鬢逢人問太拙形模引世憎  
均在客中誰作伴如何不共醉騰騰

夜興

疲筋弱骨畏歌蒸頗欲清言濯肺膺風亂飛螢光細碎  
露團幽篠醉懽騰只應愛月癡猶在更覺憎蚊忿未懲  
竹屋紙窓風雨夜幾時書冊近青燈

次韻大人江上秋興

織水輕烟擘不開晚峯濃翠積成堆吹殘黃葉風猶舞

飛盡青天鳥却回萬古關河空拊髀半天風雨獨持杯  
欲將直道干侯印政恐舟從陸地推

書懷

靜閱膠膠擾擾身細從物理究虧成一人譽復一人毀  
五鼎食仍五鼎烹怪木莫題居士字修篁合著此君名  
西風又起塵千斛望拜生憎白羽橫

衫似荷枯嫌絆縛屋如斗大費支撐寒蔬日日同僧飯  
拄杖時時伴鶴行聊託尊鱸非厚味漫言松菊本真情

山中亦有閒田地可惜離家久不耕

次韻大人書懷

萬鈞筆力等閒扛占斷溪山福已龐撲鼻寒梅香樹樹  
照人新釀綠缸缸大嚴淨社誰投足小恕詩壇肯納降  
莫為不侯空嘆息將軍才氣自無雙

雲翻雨覆不須論捫虱何妨坐對溫政恐移文邀俗駕  
可能垂箔走高門寒松卧雪不知老脫葉經霜無幾存  
醉著錦袍堪一笑翰林風月我諸孫

何如莫莫與休休分付烟波一釣裘  
心向青山貪未了  
夢隨白鳥去無由  
閒雲猶閣為霖潤  
野水空橫濟物舟  
安得杜陵詩老在從渠每日醉江頭

次韻程進孺書懷

寸梗悠悠寄一城  
主人留客亦多情  
目窮斷鴈投空影  
耳著清江徹曉聲  
濁酒半樽心易醉  
遠書一字眼偏明  
無家更甚無魚苦  
付與先生好細評

次韻樞相雪中之什

空明無際了寒天  
戍堠消鋒弩絕拳  
平白萬方包險穢  
清冷一片起沉綿  
山登姑射欣逢歲  
賊破淮西欲問年  
更長嘉陵千尺浪  
春風穩送五湖船

